

leme, ut modo est. Vel solemnitas voti consistit in traditione facta Deo, vel in forma praescripta ab Ecclesia, sub qua nuncupatur; non in traditione facta Deo; quia aliter omne votum esset solempne: ergo in forma praescripta ab Ecclesia; sed haec forma ante Christum nulla inveniebatur praescripta: ergo nullum tunc erat votum solempne, sicuti modo est: ergo votum virginitatis a B. Virginem emissum non fuit solempne, sicuti modo est. Fuit autem solempne ratione intensioris affectus, ac majoris meriti, quod in Virgine erat; & ratione etiam vel publicitatis, vel manifestationis, vel voluntatis ipsius Virginis, quae votum illud emittere intendebat omni meliori modo, qui tunc possibilis erat. Audiatur Vasquez in 3. par. qu. 28. ar. 4. disp. 124. cap. 5.
 Denique quod attinet ad voti solemnitatem, certum esse debet, votum B. Virginis solempne non fuisse, sicut nunc solempne dici consuevit; tametsi Henr. quodl. 9. qu. illa 11. litera F. dicat ipsam, & Josephum, quantum erat ex parte sua, illud solempne fecisse, tamen an simpliciter fuerit solempne, aperte non definit. Votum, indicare videtur, ideo non fuisse solempne, quia tunc nulla erat definita forma, sub qua solempne fieret. Putat autem, votum Mariæ ante matrimonium occultum, fuisse inter ipsam, & Deum tantum: potest vero contracto matrimonio, simul cum marito votum nuncupasse, & quantum ex se erat solempne fecisse. Nullus autem alias Scholasticus ex antiquis aliis quid de solemnitate hujus voti dicit. Ceterum igitur sit, illud non fuisse solempne, tam in opinione eorum, qui dicunt, solemnitatem voti esse juris divini, & totam in traditione voventis, quæ fiat Deo, posse esse, quam in sententia eorum, qui asserunt, solemnitatem solo jure ecclesiastico introductam fuisse; nam hi manifeste docent, post Christum inventam fuisse in statu tantum religionis, & ordinis sacro; illi vero dicunt, traditionem non quam per votum factam fuisse Deo; vel fieri potuisse, nisi assignata per Ecclesiam aliquam formam, sub qua aliqua persona loco Dei talen traditionem acceptet; & sicut nunc in manibus Praepositi in religionibus, & sub certa forma fieri solet, sicut 1. 2. disp. 165. memogavimus; tametsi hoc verum non sit, ut ibidem diximus; ostendimus enim cap. 8. illius disputacionis, solempnitatem voti non consistere in traditione facta Deo, sed in forma praescripta ab Ecclesia, sub qua nuncupatur; contra vero convincimus plane, si voti solemnitas in sola traditione facta Deo, confisteret, fore, ut in veteri Testamento, 10 per omne votum fieret traditio, ac proinde omne votum illius temporis fuisse solempne, quanto magis votum B. Mariæ, & Josephi, qui multo majori affectu, quam reliqui, castitatem suam Deo per votum manciparent.

Arguant I. Ut Virgo Deipara prudenter se gereret, debebat Virginitatem vovere, postquam ab Angelo intellexit, se paritum filium suum Jesum Christum, sua illæsa Virginitate; tunc enim erat certa, quod votum ab ea emisum, & Deo placaret, & suum sortiretur effectum; & in hac sola ratione potuisse votum esse absolutum. II. Deuteronomii 7. legitur: Non erit apud te sterilis utriusque sexus. Sterilitas ergo erat contra præceptum veteris legis, & non aliunde, nisi quia erat impedimentum multiplicationi generis humani, & propagationi populi Iudaici; atque etiam virginitas hoc idem impedimentum causabat: ergo quemadmodum sterilitas in veteri lege damnabatur, ita etiam prohibebatur virginitas. III. Ante Christi nativitatem lex Mosaica obligabat ad ejus observantiam quoque illam profitebantur: ergo obligabat etiam B. Virginem: ergo pro tempore illo non poteret B. Virgo licite virginitatem vovere. IV. Apostolus 1. ad Corinth. 7. scribit: De virginibus autem præceptum Domini non habeo, consilium autem do; perfectio autem Consilii debebat a Christo incipere, ut ait idem Apostolus ad Rom. 10. Est finis legis; ergo non conveniebat, quod B. Virgo ante Christum virginitatis votum emitteret. V. Iis, qui castitatem vovent, Apostolus 1. ad Timoth. 5. damnable, ait, non solum nubere, sed etiam velle nubere; sed B. Virgo fuit despontata B. Joseph, ut habetur Lucae 1. ergo signum est, quod ante virginitatem non voverat. Ut enim loco suo probavimus, nullum peccatum, nec etiam veniale, vel quomodolibet leve commisit unquam B. Virgo, commisisset autem, si post omnissum ab ea Virginitatis votum permisisset, se B. Josepho despontari; quod non est dicendum. VI. B. Virgo non ignorabat, Messiam de Virgine fuisse nascitum; sciebat enim prophetiam Iiæ cap. 7. Ecce Virgo concipiet, & pariet filium Ecce: ergo quod illa proposuerit Angelo difficultatem voti, ab ipsam emisso antecedentem.